



Entidade Local Menor de Bembrive

CONCURSO DE COMPARSAS E DISFRACES DE ADULTOS

Entroido de Bembrive 2020

BASES

1.- O obxecto deste concurso é o de seleccionar as mellores comparsas e disfraces individuais de adultos, con motivo da celebración do Entroido en Bembrive, organizado pola Entidade Local Menor de Bembrive en colaboración coas Agrupacións da parroquia, terá lugar o sábado día 29 de febreiro.

2.- As comparsas participantes comporanse dun mínimo de 20 persoas. Estas deberán concentrarse na Estrada de Bembrive (Camiño dos Troncais) ás 16:00 horas, colocándose no seu lugar que se lle adxudique para o desfile, e identificándose cada unha co número que lle corresponda en función da inscrición e das características da mesma. O desfile comezará as 17:00 horas, quedando excluída do concurso toda aquela comparsa que non poida comezar o percorrido a esta hora.

3.-As comparsas deberán inscribirse previamente entre o días 17 e 21 de febreiro, presentado as follas de solicitude de inscrición debidamente cumprimentadas, no rexistro da Entidade Local Menor, ou ben mediante calquera das formas establecidas no artigo 16.4 da Lei 39/2015 de Procedemento Admvo. Común das AA.PP., en horario de 9.30 a 14 h. O prazo de inscrición finalizará ás 14.00 horas do día 21 de febreiro.

Non serán admitidas inscricións con posterioridade á data e hora indicadas, calquera que sexa a causa do atraso. As follas de solicitude de inscrición están a disposición das persoas interesadas nas oficinas da Entidade Local Menor e na páxina web da Entidade, www.bembrive.org.

4.- O número de comparsas participantes será dun máximo de 25, incluíndo categoría de infantís e adultos. Queda excluída a participación das comparsas que acheguen a inscrición unha vez cuberto o número de participantes ou con posterioridade a data e hora indicadas.

Os participantes seleccionaranse por riguroso orde de entrada no rexistro da Entidade.



Entidade Local Menor de Bembridge

A orde das comparsas no desfile realizarase en función das medidas das carrozas, de menor a maior dimensións.

5.- Cada comparsa deberá levar unha persoa para levar o número de orde, que deberá colocarse ao inicio da comparsa que representa.

6.- As persoas que desexen participar no concurso de disfraces individuais adultos teñen que recoller o número de inscrición no palco da carpa instalada no Torreiro de festas, na noite do 29 de febreiro ao 1 de marzo, entre as 00.00 e a 01.00 horas.

7.- Establécense para este concurso os seguintes premios e accésit:

a) Premios para comparsas:

Categoría adultos:

- Primeiro premio 500,00 €
- Segundo premio 450,00 €
- Terceiro premio 400,00 €
- Resto de participantes 200,00 €

Categoría infantil:

- Primeiro premio 275,00 €
- Segundo premio 250,00 €
- Terceiro premio 225,00 €
- Resto de participantes 200,00 €

b) Premios individuais adultos:

- Primeiro premio 100,00 €
- Segundo premio 80,00 €
- Terceiro premio 60,00 €

Os premios poden ser declarados desertos polo xurado do concurso.



Entidade Local Menor de Bembrive

8.- A valoración do concurso estará determinada polo criterio do Xurado, que estará composto por:

- Presidencia: A Vocal de Cultura da Entidade Local Menor de Bembrive.
- Vocais: Cinco persoas que designará a Alcaldía da Entidade Local de Bembrive.
- Secretario: O administrativo da ELM de Bembrive.

9.- O Xurado terá liberdade de criterio para establecer as súas calificacións pero deberá prestar atención a cuestións como:

- Número de membros
- Vestiario
- Orixinalidade
- Coreografías
- Presencia de elementos complementarios como carrozas, armonía, simpatía, etc.

10.- O xurado avaliará as comparsas participantes no desfile dende algún punto do percorrido. A Vocal de Cultura desta Entidade Local Menor está facultada para resolver as eventualidades que poidan xurdir, non previstas nestas bases.

11.- A participación neste concurso supón a aceptación de todas e cada unha das súas bases. A decisión do xurado é inapelable.

Bembrive, 12 de febreiro de 2020

O Alcalde Pedáneo,

Asdo.: Marcos Castro González